

mill. paullo plus minus a mari in magno & excelso Monte. Multis Fluvij regio ipsa irrigatur. Præcipuus est *Zaire* è lacu *Zembre* ortus. Latitudo quibuldam locis est quinque milliarius: tantam autem aquarum vim in Oceanum Æthiopicum evolvit, ut x, atque interdum xvi milliariis teret dulcedinem. Adverso flumine ad v. tantum milliaria navigare licet: occurrantib, postea undis, magno impetu, quia è cataraetis ruunt. In Fluminis Ostio Insulæ quædam sunt, quibus per Vicarios suos Rex Congi imperat. Lembi illie ex arbore Licondo capaces cc Hominum. Crocodilos capiunt, & Hippopotamos, & Piscem, quem ipsi *Ambize Angulo* vocant, quingentarum librarum, eximij saporis, quem sub pœna capitis Piscatores ad Regem deferre coguntur. Et quemadmodum Flumina Piscibus abundant, sic etiam Sinus & Maria. Et potissimum quibuldam Piscibus quos vocant *Sardinaes* & *Anchioves*, quorum tanta copia est, ut hiberno tempore ultro in littus saliant. Sunt & alia genera Piscium delicatorum, ut Accipenser, vulgo Sturiones, Mulli & hujusmodi: ac Cancrorum magna copia: adeo ut maxima pars adcolarum maris ipsi vivant. Non desunt Montes, inter quos altissimus Lusitanis, *La Sierra Complida*, hoc est, *Longus Mons*; *Mons Christallij* sic dictus a magna copia Chrystalli quæ in eo reperitur: valde excelsus hic & incultus. Sunt & alij qui dicuntur *Sierras de Sol*, id est, *Montes Solis*, qui supra modum alti sunt. Alij item qui dicuntur *Montes Salnitri*, quia in ipsis ingens hujus Mineralis vis: *Montes Bambæ*, ingentem Argenti vim proferentes, & alij: Incolæ & potissimum *Bambæ* proceri, robore corporis gladiatorio, vastis musculis: gestant grandes gladios, Helveticis similes, quos a Lusitanis coemunt. Vno ictu vivum Hominem medium dissecare, aut Bovi vivo caput præscindere, Ludus est. Fuere qui vas Vini plenum cccxxv librarum brachijs suis gestarint. Monilia sibi neant ex caudis Elephantorum. Ex hac Provincia talium Virorum xl millia colliguntur ad militiam Regis Imperio, quoties id usus aut necessitas postulat.

Flumina.

Maria.

Montes.